

Մերունին՝

— Ջահէ՛լ ուխտաւոր, բերանդ վարդեր է փռում չորս կողմը :

— Սուրբ հայր : Ես միայն մէկ բան անել կարող եմ, — քայլել Քո ցանած վարդերի վըրայ : Ի՞նչ եմ ես, Քո բաղդատութեամբ : Ի՞նչ արժէք ունի ջրի կաթիլը՝ ծովի մէջ, աւաղի հատիկը՝ անապատում, ճրագի լոյսը՝ արեգակի առաջ : Քո կամքը — իմն էլ է :

Օտարականի համար վանքի հիւրատունը պատրաստուում է «մի իշխանական սենեակ» : Եւ դերման ճամբորդը չի կարող հասկանալ իր նախորդների դժգոհութիւնը այն մասին, թէ օտարների հանդէպ էջմիածնի վանքում ցոյց չէ արւում հիւրասիրութիւն : Բանաստեղծի աչքի առջեւ տարիներ յետոյ էլ, հայրենիք վերադարձին, «միայն սիրելի եւ հաճելի պատկերներ են վերստեղծուում», երբ ամէն անգամ նա «վերապրում է իր օրերը Պարսկաստանի եւ Օսմանեան պետութեան դէմ ցցուած՝ քրիստոնէութեան այդ հնաւուրց մարտկոցում» :

Ժամանակի կենցաղավարութեան տեսակէտից հետաքրքրական է նաեւ Բ.ի այն դիտողութիւնը, թէ կայսերական տան մի քանի անդամների եւ Ռուսաստանի «ամենակարող զինուորական նախարար իշխան Չերնիշեւի» էջմիածին այցելուց յետոյ «կէս-եւրոպական» կերպարանք են առել . թէ՛ այնտեղ «մինչեւ իսկ սեղան-աթոռի, դանակ-պատառաքաղի սփռոց-անձեռոցիկի, ինչպէս նաեւ շիշ ու բաժակի գործածութիւնն է մուտք գործել» : Եւ «այն սեղանը, որի վրայ մենք մի քանի եւ պիսիոպոսների ու արքեպիսկոպոսների հետ միասին ճաշում էինք, այնպէս ճաշակով էր ծածկուում, որ անգամ Փարիզի ամենաչքեղ ճաշարաններում աւելի լաւ չէի տեսել» :

Հիւրերի եւ մանաւանդ Ռոզէնի առանձին ուշադրութիւնը գրաւում է վանքի գրչագիրները մատենադարանը : Բանաստեղծ-ճամբորդը գարմանում է, որ պատմագրական եւ կրօնական աշխատութիւններով այնչափ հարուստ հայ մատենագրութիւնը գուրկ է բանաստեղծական ոեւէ արժէքաւոր երկից, հակառակ այն բանին, որ «երկրի պատմութիւնը եւ աշխարհագրական դիրքը շատ առիթներ են ընձեռում այդ ուղղութեամբ» : Դրա փոխարէն Բ.ին վստահացնում են, որ նա իր ծրագրած

«Ժողովրդական երգերի ժողովածու» համար հարուստ նիւթեր կարող է ստանալ Հայաստանում : Իսկ թէ այդ ուղղութեամբ Արուիեան ի՞նչ ծառայութիւն է մատուցել Բողենշտէղտին, այդ մասին խօսք եղել է արդէն :

Բողենշտէղտի մօտ գտնում ենք նաեւ ժամանակակից հայ գիւղի նկարագրութեան մի նմուշ («Հաղար ու մի օր», Ա. 182) :

Ըստ երեւոյթին դա լեռնային հայ գիւղ է եղած, որ դիտել է ճամբորդը՝ Երեւանից Թիֆլիս վերադարձի միջոցին, ճանապարհին :

«Այդտեղ — ասում է նա — (հայ գիւղում) եւս ես տեսայ նոյն կեղտոտ, կէս-ստորերկրեայ հիւղակները չինչ որ՝ վրաստանում : Իւրաքանչիւր տան առջեւ կայ տարթի (անասունի աղբից) բուրգ... Եւ պէտք է տեսնել, թէ բաղդատարար շատ լաւ հագուած հայուհիները — դեղին քօշեր, կարմիր վարտիք, կարճ չըրջազգեստ, երկայն քօղ — ինչպէս եռանդով զբաղուած են տարթի բուրգեր կառուցանելով : Նոյն այդ տեսարանն էր բացուում մեր աչքի առջեւ ամէն անգամ, երբ անցնում էինք հայ գիւղի մօտով : Իսկ երբ մարդ հայ գիւղական տան սեմից է ներս ոտք դնում, նրան թւում է, թէ Արբահամ նահապետի ժամանակներն են :

«Բարեկեցիկ գիւղացիների տան մէջ՝ սովորաբար մի առանձին սենեակ յատկացուած է լինում կանանց սեռին : Իսկ չբաւորների մօտ, որոնք ճնշող մեծամասնութիւն են կազմում գիւղերում, տնակը բաղկացած է լինում մէկ հատիկ ծածկից : Այդտեղ մարդկանց ընտանի կենդանիներից բաժանողը մի փայտեայ սիւն է միայն : Սօսք լինել չէ կարող, ի հարկէ, սեղան-աթոռի, պատուհանի մասին : Լոյսը ներս է թափանցում հիւղակի երդիքից : Հողէ գետինը յարգով է ծածկուած լինում, որի վըրայ փռուած փախթները (ունեւորների մօտ՝ դորգերը) ծառայում են աթոռի, անկողնի եւ բազմոցի տեղ : Կանանց սենեակի մէջտեղում սովորաբար գտնուում է թոնիրը, ուր լաւաջ են թխում» :

Հայ գիւղի այս համառօտ նկարագրութիւնը տալիս Բողենշտէղտ չէր երեւակայել անշուշտ, որ դեռ այսօր էլ, իր այցելութիւնից 82 տարի անց, հայ գիւղերը, մանաւանդ լեռնայինները, շատ էլ տարբեր պատկեր չեն ներկայացնում : Մի պատկեր, որ հայ գիւղին ժա-